



Universitätsbibliothek Paderborn

**D. Ioannis Ivsti Lanspergii Carthviani, Natione Bavari,
Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Pars II. Complectens in se exercitia effusionesq[ue] cordis, quibus anima
quæcunq[ue] deuota die noctuq[ue] sese ad sui abstractionem &
introuersionem possit exercere, atq[ue] ex singulis quæ ...

[urn:nbn:de:hbz:466:1-45928](https://nbn-resolving.de/urn:nbn:de:hbz:466:1-45928)

in Christi meritis absorbentur, quomodo gutta aqua dolio vini immissa solet absorberi, non tamen pereunt nobis nec euaneantur, sed oportuno tempore fæciner conseruata, nobilitata multiplicataq; nobis redditur iuxta cuiusvis intentionis puritatem. Securè igitur offeramus nostra minima merita Christi hoc modo unita in finum matris Ecclesie, ut in salutem cedant omnium Electorum Christi membrorum. Inde etiam non solum nullum patiemur detrimentum, sed ex diuitijs quoque Christi maximum obtinebimus lucrum. Tunc enim teste Gregorio nostra magis sunt nostra, cum caperint fratribus esse communia. Nam omne bonum quanto communius, tanto perhibetur diuinus. Quicquid igitur agimus, in merito illud dominice passionis offeramus, ut inde efficaciam & virtutem assequimur tempore necessitatis. Nam & si vile ac modicum sit quod damus, bona tamen voluntas maiora offerenda, si facultas adesse commendabit opus, atque ad instantem perficiet mensuram. Quid enim diutius bona voluntate?

PHARETRÆ DIVINI AMORIS Libri Secundi Pars II.

Complectens in se exercitia effusionesque cordis, quibus anima quæcunque deuota die noctuque sese ad sui abstractionem & in-trouersionem possit exercere, atque ex singulis quæ occurunt inuenire vel materiam orandi,
vel occasionem elcuandi se ad

Dcum.

Conscientia vi sero sit examinanda.

Nima quenis Christiana Deoq; deuota, omni sero sese trouertere debet, & omnia interiora sua discutiendo aduertere, qualiter admonitiones diuinæ, & instinctum spiritus sancti secuta fuerit, siue eiusdem resisterit: an etiam lumen, siue reprehensiones conscientia extinxerit, vel eis aduersata fuerit: an etiam aliquo membro recesserit à viuo speculo veritatis: & an exterius etiam aliquid statutum, siue ordinacionem transgressa sit: verum etiam aliquem verbi vel operibus leserit, siue impediérat: an per detractionem alicuius famam minuerit, aut aliquem in re qualibet despexerit: utrum etiam aliqua in re delectationes carnis, concupiscentias oculorum, aut superiorem vite occulte, quasi sub specie boni, secuta sit, siue in verbis, siue in operibus, in eundo vel stando, comedendo siue bibendo. Utrum in omnibus operibus vel dismissionibus suis, Deum pure quiescerit atque dilexerit, vel suam potius sensualitatem ac delectationem aliquatenus occulte quasierit & secuta sit. Radix namq; corrupta intentionis profunde nimis in fundo cordis abdita iacet. Ideoq; si cor am Deo recta & pura debeat esse intentione, iij si fundo cordis vigilans est intendendum. Virtus denique abiquid per quinque sensus suos intrare permisera, quod anime pacem turbauerit, eamq; grauatur.

De his igitur aliisque descriptibus, quos in seipso quotidie rarusquisque deprehenderit, & in quibus se reum agnoverit & excessisse aduerterit, humiliter veniam postulare, & à Deo gratiam petere debet, orans ipsum, ut per amarissimam passionem suā ipsius misereri, & per eandem pro omnibus peccatis ipsius satisfacere, omnesq; negligentes eius supplere velit:

l 2 vñq;



vitq; per meritā sauciati corporis sui, dolorose anima sue, & gaudiōsi spiritus sñi se in corpore, anima & spiritu mundum & apium facere, & exsistentem animam illius reficere, & in se totaliter transformare dignetur.

Quando vis ire dormitum sic precabere.

Domine Iesu Christe, in vniōne amoris quo istud nobis commodum creasti, & ipse in terris propter nos vti voluisti, iam illud suscipio, tibi in æternam laudem, & corpori meo ad necessitatem.

Quando intras lectum dicio.

Pax Domini nostri Iesu Christi, integritas beatissimæ semper Virginis Maríæ, signum sanctæ Crucis, virtus dominicæ passionis, custodia sanctorum Angelorum, & intercessio omnium Sanctorum, repellant à me omnes inimicos meos, custodianc me ab omni peccato, ab omniq; periculo corporis & animæ, Amen.

Antequam obdormias, Oratio.

Domine Iesu Christe, tua vera diuinitas mihi benedicat, tua sincera humanitas me custodiatur, tua benignissima pietas me foueat, & amor tuus suauissimus in æternum me conseruet.

In te dulcissime Iesu, in vulnere lateris tui, in corde tuo dulcissimo, & sub palio benedictæ maristæ tuæ, ad pedes Dominæ meæ dormiam & requiescam, Amen.

Somno iam irruente, Precatio.

Dulcissime Iesu, fac me requiescere super pectus tuum, da mihi trahere anhelitum sacram de sanctissimo corde tuc, ut spiritus tuus suauissimus influat in animam meam, atque rursus totum spiritum meum post se trahat, in se absorbeat, atque inseparabiliter sibi vniat, Amen.

Post somnum, Precatio.

Tn nomine Patris, & Filii, & Spiritus sancti, in nomine Domini mei Iesu Christi surgo, qui me redemit suo sanguine pretioso. Ipse me dignetur custodire ab omni malo, & implere omni bono, in anima & corpore meo, Amen.

Quando mane surgis sic orabis.

In nomine Patris, & Filii & Spiritus sancti. In nomine Domini mei Iesu Christi crucifixi, cuius morte sum redemptus, cuius pretio sum emptus, de lectulo nunc surgo. Ipsum adoro, laudo, benedico & glorifico, per quem sum, viuo & subsisto. Ipse me liberet & custodiat ab omni peccato. Ipse me regat, confirmet & possideat in omni bono, & post hanc miserrimam vitam, perducat ad æternam requiem, Amen.

Mane quando surrexisti, adora Deum & sanctissimam benedic Trinitatem, dicens.

Adoro, laudo, & benedico te & Trinitas superbenedicta, Deus meus, gubernator, protector & salvator meus, vita, dulcedo & corona mea, in quo omnia, ex quo omnia, & per quæ omnia. En offero me indignissimam creaturæ tibi in gloriam & beneplacitum tuum. Eripe me de iniiciis meis, id est ab omnibus quæ tibi displicent. Domine ad te confugi, eligens te pro omnibus & super omnia: doce me facere voluntatem tuam in agendo & patiendo, in volendo & respondeo, quia Deus meus es tu, O Deus meus, & ego creature tua, ad nihil tibi utilis, tamen,

men creature tua sum Domine Deus meus, miserere mei. O vtinam teum vnum
esse merear perpetuo & inauertibiliter. Fiat voluntas tua in me o Deus meus & omnia.
Amen.

Benedicta sit p̄f̄ssima mater tua o Christe Iesu, & omnes Sancti tui in eternis,
omnes qui te diligunt in terris. Amen.

Egressus de lecho, humi prostratus Dominum adorat vel simili modo, dicens.

Adorante dulcissime Iesu, gratias agens immensas tue erga me charitati, qui
pro me es captus, ligatus, de iudice ad indicem ductus, & morte turpissima
interemptus. Enim Domine mi clementissime, ab hoc tempore & deinceps to-
rum me tibi trado ac offero captiuum, atque in omne benefacitum tuum me re-
figno, orans ut hodie & quotidie vinculis ardentiissimis tuis charitatis me affri-
gas, adeoq; tibi inseparabiliter vnius, ut abs te recedere, aut me auertere a te neque
possim, neque velim. Amen.

Ad beatam Virginem Mariam, Precatio.

Ad pedes sanctitatis tuz o benedictissima Dei Genitrix Virgo Maria me pro-
sterno, suppliciter venia petens de omni irreuerentia & iniuria, quam tibi &
dilecto filio tuo Domino meo Iesu Christo exhibui, quod eum propter gra-
tissima scelera mea vendidi, captiuani, & Iudeis interficiendum tradidi. Rogo te
iam pia mater, ignosce mihi peccatum hoc magnum, & in gratiam tuam me reci-
pe. Ette mihi benigna & placata, hostiumq; meorum infidias a me repelle, atque
pro filio tuo me recipere, & secundum purissimi cordis tui desideria me rege &
dirige. Amen.

Inclita, pura, pia, gloria Virgo Magie

Sis salutata, per vires mille beata

Me tibi mente pia, commendo Virgo Maria

Tu mihi salutarix, sis semper & auxiliatrix.

Salve mater pietatis, & totius Trinitatis nobile triclinium.

Salve splendor firmamenti, tu caliginosamentis defuper irradia. Amen,

Ad supersanctissimam Trinitatem adoratio supplex.

Adoro & benedico te o Trinitas sancta Deus meus & omnia gratias ago tibi
pro custodia, sapientia & benignitate tua, & pro cunctis beneficiis tuis, qui-
bus eoscum, terram & omnia quæ in eis sunt, in tempore & æternitate im-
plies, & me ingratissum atque miserabilem peccatorem vilique in hanc horam
perduxisti. Tibi offero, commendo atque refingo me totum, & quicquid intra aut
circa me est in tui amorem, laudem & gloriam. Affer a me, quicquid tibi displiceret
in me, & da mihi, quicquid tibi placet. Dirige & posside me iugiter secundum be-
neplacitum tuum, Amen.

Salutatio matutina supplex ad eternam sapientiam.

Anima mea desiderauit te in nocte, sed & spiritu meo in præcordijs meis de
mane vigilabo ad te o præclarissima sapientia, petens, ut desiderata tua præ-
sientia omnia aliena in corde meo præueniat, penetralia cordis mei tua gra-
tia perfundat, peccata, vitia, & mala mea cuncta a me tollat, virtutibus cunctis me
impleat, & amore inextinguibili vehementer in me accendat.

Et nunc dulcissime Iesu Christe, ad me quæso conuertere, & gratissimam faciem
mam mili ostende: quia & ego ad te diluculo confurgo, regi ex intimo cordis



mei affectu saluto, optans ut millia millium cœlestium agminum tibi ministram, te ex me salutent, & decies millies centena millia tibi assistentium te ex me glorifcent, & omnia preclara desideria sanctorum omnium te ex me honorifcent: & uniuersa melodia omnium creaturarum te ex me collaudent, tecum exorent, ut mihi des bonam mortem, peccatorum plenam remissionem, & æternam saltem, Amen.

Confessio succincta mane vel sero deuota mente ruminanda.

Confiteor tibi Domine Deus, ego peccator miserrimus, & totus abominabilis, omnia peccata mea (innumerabilia enim sunt, & maxima, & horrenda) omnes peccatorum meorum circumstantias, omnes negligentias, vitorum passiones, ingratitudinesq; meas, quas à primæa ætate mea commisi usque nunc, & quorum participem me feci. Multos enim Domine Deus meus, verbis, exemplo, peruersa mea conuersatione, alijsq; occasionibus ad peccandum induxi, & animas, pro quibus tu sanguinem tuum effudisti innoxium, tibi abstraxi, & in damnationem misi.

Pro quibus omnibus, & meis, & alienis flagitijs, tuam infinitam deprecor beatitudinem, ut propter passionem & mortem tuam, quam pro nobis subiisti, cuncta deles & plenariè dimitras, mihiq; dulcissime Domine ignoscas. Decet enim te maximum, piissimum, potestissimum & misericordissimum, miseris, egentibus & propter te, & nisi à te nihil aliud habentibus, magnum miserationis & largitatis impere beneficium, quantoq; fragiliores sumus & miseriores, tanto copiose rem gratia tuæ benedictionem super nos effundere, atque ad te ruptis peccatorum nostrorum vinculis trahere, ut quæ beneplacita sunt tibi, faciamus semper, Amen.

Quando horarum auditur signum, Precatio I.

Adoro, laudo, & benedico te misericordissime Iesu, gratiasq; ago tibi pro amarissima innocentissimaq; passione tua ac morte, & pro omnibus beneficijs charitatis tuæ, mihi ingratisimo peccatori (quem usque ad hanc horam misericorditer sustines) exhibitis. Obsecro autem te per singulas guttas pretiosi sanguinis tui pro me fusi, da mihi veram ac iugem contritionem pro peccatis meis, emendationem vitæ meæ, & imitationem vitæ tuæ, secundum beneplacitum tuum.

Domine Deus meus, conuerte ab hac hora & posside me totum secundum beneplacitum tuum, & in me, de me, ac per me sanctissima voluntas tua semper fiat. Dulcis Iesu, auge & confirma super me gratiam tuam, & da mihi quicquid tibi placet, Amen.

Ad horologij signum, Precatio II.

Amantissime & misericordissime Deus, gratias ago excellentissimæ Majestati tui pro cunctis beneficijs & donis tuis, quæ ex gratuita tua pietate mihi ingrato unquam exhiberes dignatus, & præcipue pro omnibus his, quæ pro me & pro totius mundi salute hac hora vel agere, vel sustinere dignatus es.

Illiustra quæso me gratia tua, & fac me hac hora omnibusq; momentis meliorem tibiq; placentiore em fieri, & concede mihi veram requiem pacemq; cordis, ut iugiter cum omnibus sanctis te collaudem. Hoc idem rogo pro omnibus fidelibus tuis, maximè pro fratribus meis, parentibus, amicis & recommendatis, & pro quibus tensor vel tu desideras, Amen.

Ad hor-



Ad horologij signum, Precatio III.

BEnignissime Domine Iesu Christe, pro omnibus singulisq; doloribus, iniurijs, blasphemis, passionibus, vulneribusq; quæ tibi propter peccata mea hac hora inflicta sunt, quodq; gratis me creare, redimere, peccantem tollerare, ad statum poenitentiaz vocare, atque à multis malis periculisq; tam animæ quam corporis præseruare es dignatus, te adoro, laudo, benedico immensasq; gratias ago, rogans te per temetipsum, ut omnibus misericordiæ & afflictionis, peccatis obnoxios, erroribus implicitis, temptationibus grauatis, calamitatibus oppressis, & dæmonum caliditate astutisq; deceptis, gratiam tuam concedere digneris, ut propria carnis infirmitate deuicta, dæmonumq; insidijs superatis, te sine impedimento sequi, tuæq; sanctissime humanitatis vestigij toto conatu insistere possint.

Succurre etiam omnibus miseris desolatisq; animabus in purgatorijs igne detentis, quarum nulla vel modica habetur à viuis memoria, & largire illis requiem, pacem & gaudium sempiternum. Tu namq; sunt, mi Domine, creaturæ per te creatæ, à te redemptæ, & per te solum liberandæ ac saluandæ.

Exercitium quinquaginta veniarum seu adorationum ad Salvatorem nostrum Dominum Iesum benediculum, pro beneficis vita, ac passionis eiusdem deuotissimum, quod partim in die (partim ad Canonicas horas, quomodo unicuique magis congruit) poterit disiudi.

Expedit autem, ut singulas adorationes sub vniuerso Exercitio, aut vocalibus, aut mentalibus his factis verbis. Adoro te clementissime Iesu, Domine Deus meus & gratias tibi ago pro &c.

Obserua etiam, ut si corporalis adoratio à deuotione te impedit, corporali adoratione reliqua adora Deum mente ac spiritu, gratias agens quod inter alios quoque homines constitutus, aut corpore debilis, licet solus & ab alijs abs tractus, simili potes facere modo.

Inter Nonam & Vesperas.

Procide, ad genua, & peccata tua recolens atque ingemiscens dicio.
Deus propitius esto mihi peccatori, pro quo in crucis patibulo dignatus es mori.

Hoc modo ad singulas horas iuxta divisionem presentem cum gemitu & tristis humilitatione propter peccata tua facito. Deinde decies Christum adora & gratias age.

Adoratio prima.

Adoro te clementissime Iesu Domine Deus meus, & gratias tibi ago, quia propter me factus es homo.

Adoro te &c. pro ingressu & incolatu tuo in mundo, qui famem, siti, & reliqua corporis incommoda propter me patiens pertulisti.

Adoro te pro exilio, & litigate, hominumq; contemptu.

Adoro te pro obedientia Patri tuo coelesti exhibita in obseruantia legis, pura, circumcisionis, festorum &c. & matris, quando parentibus fuitus subditus.

Adoro te, quod in Iordanem baptizari & in deserto pro me voluisti tentari.

Versus memoriam iuuans.

Conceptus mala fert, pauper, obtemperat, aquis.



Pro contritione, precatio.

Misericordissime Iesu, respice me quæ oculis misericordiæ tuæ, & da mihi pro peccatis meis intensissimam contritionem, qua peccata, ingratitudinem meam, tuas item iniurias, tuus contemptum in me & in alijs ex toto corde meo lugeam die ac nocte, Amen.

Adoro te pro laboribus & fatigationibus in prædicando, discurrendo, salutem nostram procurando toleratis.

Adoro te, pro miraculis, & beneficijs tuis infirmis & egenis exhibitis.

Adoro te pro misericordia & benignitate poenitentibus & vocandis peccatoribus clementer exhibita.

Adoro te, pro perseguitionibus, dolis, iniurijs & opprobrijs toleratis.

Adoro te quod cum palmis gloriosè à turba os receptus, sed paulò post consiprantibus Iudeis, à tuo discípulo venditus.

Versus memoriam iuuans.

Prædicat & sanat, pius est, iniuria, palmis.

Pro emendatione vita, Precatio.

Misericordissime Iesu per omnes labores tuos te obsecro, da mihi iuctum pro peccatis meis, & totius vitæ meæ perfectam emendationem, ut à cunctis virtutibus ab omnibus tigridiæ creaturis auersus, & ad te totus conuerlus, tibi inauertibiliter perpetuè inhæream, Amen.

Sero somnum capturus, ad genua procede, & recolens peccata tua, ingemiscensq; dic. Deus propitius esto mihi miserrimo peccatori, pro quo in patibulo crucis dignatus es mori. Deinde quinque Deum adora.

Adoro te &c. pro cena legali & lotione pedum discipulorum tuorum.

Adoro te pro institutione venerabilis sacramenti Eucharistie, & pro suauissimo sermone.

Adoro te pro tristitia & paurore.

Adoro te pro oratione in monte Oliveti & pro compatientissima discipulorum visitatione.

Adoro te pro agone, pro sanguineo sudore, & pro plenissima tui resignatione.

Versus ad memoriam iuuandam,

Dum lawat, iustituit, tristis, visitans quoque sudat.

Pro charitate, Precatio.

Mansuetissime Iesu Christe ferventissime amator, quid orem, nescio, sed fac ut ardentissima charitate te diligam, vita tua vestigia deuotus imitari valeam, tristissima quæque tui amore libenter recipiam, hilariter feram, & iuxta omne beneplacitum tuum totus in te resignatus, tibiq; perfectissime obediens inauertibiliter inhæream, Amen.

Ad Matutinas, procede ad genua & peccata tua recolens, ingemisce & dic. Deus propitius esto mihi miserrimo peccatori, pro quo dignatus es in crucis patibulo mori. Deinde quinque Deum adora.

Adoro teclementissime &c. pro dira tui captione, crudeliq; hostium iuasione, quando ad passionem illis ibas obuius.

Adoro te, pro tumultuosa tui deductione ad Annam, pro superba interrogatione tibi facta, & pro contumeliosa alapa tolerata.

Adore



Adoro te pro afflictione & compassione cordis tui erga tuos, qui à discipulo es venditus, ab alijs discipulis derelictus, & à Petro ter es negatus. 3

Adoro te, quod ab iniquis testibus accusatus ut blasphemus & reus mortis es iudicatus. 4

Adoro te pro multiplici illusione ac iniuria qua hac nocte es affectus, puta, cæsus, consputus, velatus, colaphizatus. 5

Versus pro memoria.

Captus, ad Annam, negat, reus est male cæsus.

Pro humilitate precatio.

Misericordissime Iesu, per immensam charitatem tuam obsecro te, da mihi profundissimam humilitatem, qua peccata & vilitatem meam omnem perfectè cognoscam, sancto odio me despiciam, & ab omnibus despici & nesciri diligam, Amen.

Ad Primam providens ad genua & peccata tua recolens ac ingemiscens, dico. Deus propitius esto mihi peccatori &c. Deinde quinque Deum adora.

Adoro te &c. quod adductus Pilato & accusatus tacuisti.

Adoro te quod ad Herodem missus, accusatus es & spretus.

Adoro te quod ad Pilatum reductus, alba es veste illusus.

Adoro te quod ad columnam nudus voluisti ligari.

Adoro te quod acerbissime flagellatus vidisti nobilissimum sanguinem tuum pedibus conculcari.

Versus pro memoria iuuanda.

Accusant, regi, luditur, nudumque flagellant.

Pro patientia & mititate, Precatio.

Misericordissime Iesu, omnem iram, impatientiam, amarulentiam, & quicquid mansuetudini aduersatur, in me extirpa, occide & tolle à me. Da mihi cum perfectissima mititate & mansuetudine cordis, quæcumq; aduersa de manu tua hilariter suscipere, eaq; non solum patienter, sed etiam amanter atque cum gratiarum actione sustinere, Amen.

Ad Tertiam providens ad genua & peccata tua recolens, ingemisce, & dic: Deus propitius &c. Deinde quinque Deum adora.

Adoro te, pro pœnis toleratis, quando purpura amictus, spinis es coronatus.

Adoro te, pro illusione, qua fuisti adoratus, salutatus, & in caput cæsus.

Adoro te pro eductione, quando vix homini similis monstrabaris, insatiabilis Iudeorum inuidia clamante, ut crucifigaris.

Adoro te, quod latrone Barraba dimisso, tanquam sceleratior tu ante tribunal es adductus & ad mortem damnatus.

Adoro te, quod crucem tuam ferens, anxius, incurvatus suspirans, gaudentibus inimicis, & amicis flentibus, vestigia post te sanguinea reliquisti, & præ dolore tandem deficiens in oculis matris corruisti.

Versus memoriam iuuans.

Spinis, deludunt, monstrans, sententia, portas.

Pro castitate & puritate cordis, Precatio.

PHARETRAE DIVINI AMORIS

Misericordissime Iesu, purifica quæso cor meum ab immundis, vitiisq; co-
gitationibus, ab impuris affectionibus, à prauis inclinationibus, & moti-
bus, & da mihi perfectissimam, mundissimam, perpetuanq; mentis & cor-
poris castitatem, Amen.

*Ad Sextam procede ad genua, recolensq; peccata tua ingemisce, & dic: Deus propi-
tius esto, &c. Deinde quinques Deum, adora.*

Adoro te clementissime &c. pro tui denudatione, pro dolorum, vulnerumq;
tuorum renouatione ante crucem.

Adoro te pro corporis tui extensione super cruncem, pro manuum ac pe-
dum tuorum per foßionem ac crucifixione.

Adoro te pro crucis elevatione, & pro crucipendientia tua tribus horis, & tribus
clavis tolerata.

Adoro te pro charitate ac benignitate tua, qua orasti pro tortoribus, qua latro-
ni quoque paradisum promisisti.

Adoro te pro blasphemia illusioneq; quām à prætereuntibus cruncem pertulisti.

Versus memoriam iuuans.

Nudant, extendunt, pendens, ignoscitque, Vah qui.

Pro compassione, Precatio.

Misericordissime Iesu, aufer à me cor durum & impium, & da mihi cor misa-
cricordissimum, piissimum, compatientissimum ac fidelissimum secundum
cor tuum, quo omnes præcipue inimicos diligam, omnibus libenter & a-
manter subueniam, seruiam ac benefaciam, Amen.

*Ad Non. iiii, procede ad genua, recolensq; peccata tua ingemisce, & dic: Deus propitius
esto, &c. Deinde quinques Deum adora.*

Adoro te clementissime &c. pro compassione fidelisq; cura & commendatio-
ne erga matrem.

Adoro te pro immensis doloribus vndiq; exaggeratis, quas in cruce omni
consolatione destrutus tolerasti, adeò ut ad Patrem clamans, dices. Elio &c. Deus
meus, Deus meus, &c.

Adoro te pro ardentissima siti corporali, & spirituali, & pro gustu fellis & aceti.

Adoro te pro amarissima ignominiosatq; morte tua, & pro delicensu animæ tuæ
ad inferna, pro eripiendis amicis.

Adoro te pro apertione lateris & cordis tui, vnde fluxit sanguis & aqua.

Versus memorialis.

Condolet, vndique fert, sitiens, moritur, foditurque.

Pro felici morte & purgatione peccatorum tuorum in hac vita, Precatio.

Misericordissime Iesu Christe, omnes, labores, vulnera, verbera, sanguinem,
tristitiam, mortem tuam, & omnia quæ passus es, charitatem etiam tuam
qua passus es, offero tibi pro peccatis meis, & pro peccatis totius mundi. Per
hæc omnia te obsecro Christe Iesu, ut in his me purges atque purifiques, ut post hanc
vitam absque dilatione ad te ingredi meriar in gaudium tuum. Quicquid autem
hic me pati volueris, da mihi desideranter, & cum gratiarum actione pati in glo-
riam & honorem tuum sempiternum, Amen.

Ad



Ad Vesperas procede ad genua & peccata tua recolens ingemisce, & dic: Deus propitius esto mihi: &c. Deinde septies Deum adora, ut sequitur.

Adoro te clementissime, &c. pro depositione corporis tui de cruce.

Adoro te, pro planetu & luctuosa tristitia matris & amicorum super te. Cum hiis plangentibus, plange tu quoque Christum adorans gratias agens & dicens:

Adoro te, pro omnibus & singulis doloribus ac pœnis singulorum omniumque membrorum tuorum mei causa toleratis.

Adoro te pro singulis vulneribus, liuoribus, plagis, verberibus, tumoribusque propter me perpessis.

Adoro te pro singulis quibusque guttis sacrosancti sanguinis tui, omniumque singulorum vulnerum pro me fusis.

Versus pro memoria.

De cruce, plangitur, hinc pœnas, & vulnera, sanguis.

Adoro te, pro internis doloribus, tristitijs pressuris, compassionibus, lachrymis, gemitibus atque suspirijs pro me toleratis.

Adoro te, pro laboribus, fatigationibus, itineribus, improperijs, conuitijs mei amore perpessis, simulque pro beneficijs omnibus in vtraque natura à te mihi exhibitis.

Versus infra sequitur.

Oratio pro alijs proximis tuis.

Misericordissime Iesu Christe, in omnia vulnera tua, in amantissimum oculum tibi commendo me, omnesque mihi commissos ac commendatos, omnes benefactores, omnes tentatos & afflictos, omnes pro quibus oraris volo aut debeo. Misere quæso omnium, & da unicusque quod illi est necessarium, & quod tibi maximè placet, Amen.

Ad Completorium procede ad genua, pœcataq; tua recolens ingemisce, & die. Deus propitius esto mihi miserrimo peccatori &c. Deinde ter Deum adora, ut sequitur.

Adoro te clementissime &c. quod aromatibus fuisti conditus, & sydonio involutus.

Adoro te, quod in monumentum fuisti positus.

Adoro te, quod recendentibus cunctis, in sepulchro fuisti relictus, & à mœstissima tua matre desiderabunda resurrexeris expectatus.

Pro duabus superioribus ultimis adorationibus ad Vesperas, & pro his tribus ad Completorium simul esti vnu versus memoriam iuuans.

Tristia, cuncta tulit, vnguis, sepelitur, à matre.

Pro defunctis. Precatio.

Misericordissime Iesu, per omnia vulnera tua, per omnes guttas preciosissimi sanguinis tui, & per miserationes tuas infinitas obsecro te, ut plena illa, immensaque virtus passionis ac mortis tue, in purgatorium descendat, curatisque animabus defunctorum nunc præstet aut liberationem, aut refrigerium, Amen.

Si cui alio placuerit modo hoc exercitium diuidi, aut simul uno tempore continuari, iuxta suam potest devotionem agere.

Exercitia cuiusmodi adsumere beat anima quævis deuota templa ingressa, vel in eodem iam constituta.

Quando

*Quando ad templum veneris, humiliter reverenterque detineto capite in genua procidens,
Dominum Deum, cretorem & sponsum tuum suppliciter adorato, & dico.*

Domine sancte Pater, omnipotens aeternus Deus, propter tuam largitatem, & Filiu tui, qui pro me sustinuit amarissimam passionem & mortem, & matris eius, cuiusque beati NN. (nomina hic patronum tuum, & patronum templi) excellentissimam sanctitatem, & omnium Sanctorum merita, concede mihi ingratisimo peccatori, & omni beneficio tuo indigno, ut te solum diligam, tui amore semper serueam, tuum honorem semper sitiam, beneficium passionis filii tui continuè in corde meo habeam, meam misericordiam recognoscam & ab omnibus contulcari & contemni cupiam. Nihil me afficiat, nisi tu: nihil me contristeret, nisi calpa, Amen.

Quando inspicis crucifixi imaginem humili mente dicito.

Odulcissime Iesu Christe, cor meum tuis vulneribus saucia, & tuo sanguine inebria mentem meam, ut quocunque me vertam, semper te videam crucifixum, & quicquid a pexero, tuo sanguine mihi appareat rubricatum, ut sic in te totus tendens, nihil praeter te valeam inuenire, nihil nisi tua vulnera valeam intueri. Hæc sit consolatio mea tecum mi Domine vulnerari, tecum despici, & tecum pati. Hæc sit mihi afflictio, extra te consolari, aut sub te aliquid meditari. Non quiescat cor meum bone Iesu, donec inueniat te centrum suum, ubi cubet, ubi suum terminet appetitum, Amen.

Alia item aspiratio ad idem.

Scribe quæso misericordissime Iesu vulnera tua in corde meo preciosissimum sanguine tuo, ut in illis legam dolorem pariter & amorem tuum, & vulnerum tuorum memoria iugiter in secreto cordis mei permaneat, ut dolor compassionis erga te indies in me excitetur, & ardor dilectionis tuæ omni hora magis in me accendatur. Da quoque ut omnis creatura mihi vilescat, & tu solus cordi meo dulcescas, Amen.

Quando inspicis crucifixi imaginem.

Odulcissime Iesu Christe, cor meum tuis vulneribus saucia, & tuo sanguine inebria mentem meam, ut quocunque me verram semper te videam crucifixum. &c.

Antequam egrediaris templum, aut sero, quasi valedicturus Domino, aut alio tempore in die, quinque accipe venias, seu genuflexiones, & sexto adora Dominum Deum.

Venia & oratio prima fit confessionis.

Misericordissime Domine Iesu Christe, confiteor tibi omnia mea & vniuersalia mundi peccata, quibus te vñquam offendimus, obsecro te per innocētissimam mortem tuam, parce nobis, & tribue nobis perfectissima contritione indefinenter ex toto corde lugere, integrè confiteri omnia peccata nostra, Amen.

Venia & oratio secunda, actionis gratiarum.

Benignissime Iesu, pro omnibus & singulis beneficijs, tam mihi, quam cuilibet creaturæ exhibitis, aut vñquam à te exhibendis, gratias ago & benedico te Deus meus: imò tories tibi gratias ago, quot tua sunt beneficia, & quot creaturæ, Amen.

Venia



Venia & adoratio tertia, oblationis.

Clementissime Iesu, ego offero tibi omnes virtutes & merita sanctissimæ vi-
tae & passionis tuæ, sed & beatissimæ Mariæ matris tuæ, atque omnium San-
ctorum & electorum tuorum in suauissimum cor tuum, & per idem cor Pa-
tri tuo pro me, & pro omnibus hominibus tam viuis, quam defunctis, Amen.

Venia & oratio quarta, resignationis.

A Manifissime atque fidelissime Iesu, Domine Deus meus, meipsum & omnia
qua intram & circa me sunt, & creaturas tuas omnes & singulas tibi nunc
offerо, atque resigno in beneplacitum tuum ut nobiscum facias quicquid,
& quomodo tibi creatori nostro maximè placet, Amen.

Venia & oratio quinta, obsecrationis.

Plissime Iesu Christe, obsecro te per dulcedinem cordis tui, vt me & alios
quoscumque homines impleas maxima, ardenterissima, perpetuaq; charitate,
qua facias, vt vniuersique honorem tuum sicut, & ita in omnibus habeat
atque coram te sit, & perseverando in gratia tua crescat, quantum & quomodo
sanctissimæ tuæ voluntati placet, Amen.

Venia sexta, est adorationis.

O Creator & saluator mundi Iesu Christe Deus meus & omnia. Ecce quot
creaturæ tuæ sunt à te conditæ, aut cōdendæ, & quot beneficia tua sunt crea-
turus tuis à te exhibita & exhibenda, toties in persona omnium & singula-
rum adoro, laudo & benedico te, & pro omnibus ac singulis gratias ago tibi nunc
& semper. Misericordia, gratia, benedictio tua sit super nos in æternum, Amen.

Exercitia aspirationesque inter edendum assumenda.

Ante prandium, aspiratio.

Domine Iesu Christe, in vniione amoris quo hæc mihi commoda præstisti,
& eisdem olim in terris propter me vti voluisti, da mihi eadem tali gratitu-
dine, timore ac temperantia sumere, vt tibi sit gloria, mihi verò ac omnibus
quibus ministras, & per quos ministras, salus proueniat sempiterna, Amen.

Inter comedendum, aspiratio altera.

Misericordissime Iesu, miserere quæso omnium qui inedia, frigore, tristitia,
seu alia quavis pressura corporis vel cordis affliguntur, da eis fidem, pati-
entiam & consolacionem salutarem, vt fiat illis dulce ac suave, quicquid
aduerfi in hoc seculo ferunt.

Domine Iesu, tu respice in auxilium eorum, quoniam tibi derelictus est pauper, Psal. 9.
& orphano tu eris adiutor. Tu solus es, qui laborem, & dolorem consideras, Amen.

Hic adde Orationem dominicani & salutationem Angelicani pro omnibus tentatis &
afflictis, prout te senseris affici.



Sic orabat S. Gertrudis inter edendum.

Virtus tui diuina amoris, incorpore me totum tibi amantissime Iesu Christo,
Amen.

Ad potus quemlibet haustum aspiratio.

Virtus signiti amoris tui dulcissime Iesu, me totum queso in terpiat & absorbeat, & carnalis concupiscentie aestum fitimq; inanis gloriae omnem pernitus in me extinguat, Amen.

Ad quemlibet haustum aspiratio, item altera.

Effectum charitatis tuae, quae tam potenter in intimis tuis praevaluit, ut eam continere non posses, transfundit amantissime Iesu Christe in viscera animae meae, penetratq; totam substantiam meam, omnes vires, omnes potentias, omnesq; sensus corporis & animae meae ad laudem & gloriam tuam eternam, Amen.

Post prandium, siue canam pro omnibus defunctis, Precatio.

Dulcissime, benignissime, amantissimeq; Iesu Christe, non est virtus in me villa aut aliquod meritum, nec habeo quod pro me aut alijs allegare queam, vt a te exaudiar: sed est miseration tua infinita, passionisq; tuae efficacia immensa, propter quas non decet te inexorabilem esse. Rogo te igitur per pietatem & misericordiam tuam infinitam, ut sanguinis tui virtus in eos qui in purgatorio detinentur captiui, descendat, atq; eorum omniu[m] poenam & cruciatus refrigeret, Amen.

Exercitia aspirationesque inter operandum, vel exterritus naturam exercitandum.

Antequam operis quipiam inchoes, institutio brevis.

Ante omnia que incipere debes, obserua semper, ut animatum leues ad Deum, dirigendo intentionem ac voluntatem tuam ad eius gloriam ac beneplacitum. Potes etiam dicere hoc modo orando: Veni sancte Spiritus, reple tuorum corda fidelium, & signum tui amoris in eis benigne accende, Amen: Aut Deus in adiutorium meum intende, Domine ad adiuvandum me festina. Itē: Intende in adiutorium meum Domine Deus salutis meae, Itē: Dulcis Iesu Domine Deus meus, da mihi hoc opus perficere secundum beneplacitum tuum & in gloriam tuam. Itē: In unione charitatis illios, qua opus redēptionis nostrae, id est, salutis, in medio terrae operatus es, commendā tibi Domine Deus meus hoc opus, & omnia studia mea.

Psal. 69. *Si quid inter actuum tuorum studia bene maleve acciderit, dic: Deus meus, ne elongaris a me, Deus meus in auxilium meum respice.*

Quando coepis operari, dicio.

Psal. 17. **D**ulcissime Iesu, in unione omnium laborum & sudorum tuorum, & in unione charitatis tuae, quae pro nobis labores suscepisti, & tristitia tribus annis tolerasti, offero tibi labores & omnia opera mea.

Bone Iesu, hunc laborem meum tibi gratum faciant omnium electorum tuorum labores ac studia pro tui amore gesta, quae queso cuncta in suauissimo corde tuo simul vinita, tibi, & per te Patri tuo offero in gloriam tuam, Amen.

Quando vis legere, aut lectionem audire aliquam, existis aspirationibus aliquam premitas, dicendo.

Psal. 117. **I**esu dulcissime, da mihi intellectum & scrutabor legem tuam, & custodiam illam in toto corde meo.

Illumina cor meum, ut sciam, velim, & faciam quod acceptum coram te sit omni tempore.

Dico



Doce me facere voluntatem tuam, quia Deus meus es.

Da mihi Domine sedium tuarum apertricem, sapientiam, quæ intellectum meum illuminet, cor meum purificer, & affectum meum inflammet, ad cognoscendum & amandum te Dominum Deum meum in omnibus & super omnia, Amen.

Post lectionem, vel bonam inspirationem, dico.

Clementissime Pater, per unigenitum Filium tuum obsecro te, da mihi gratiam & virtutem, hanc inspirationem (si à te fuerit) & omne beneficium tuum perficiendi.

Si quando pulchrum delectabilem aliquid cernis, converte cor tuum ad contemplandam pulchritudinem & bonitatem conditoris tui, & orato, dicens.

O Bonitas & pulchritudo creatoris mei incomparabilis, trahe cor meum in admirationem & amorem tui. O si hæc aut aliqua alia creatura tam pulchra est, quam pulcher, quam bonus, quamq[ue] suavis es tu conditor omnium Deus meus? Vt inā nihil me vnguam delectet, nihil placeat quam tu. Vt inā tu solus cor meum possideas, sisq[ue] semper unicum gaudium, consolatio & requies mea. Dulcis & amabilis Iesu, fac vt omnis creatura mihi vilescat, omnia mundana mihi amarentur, & tu solus dulcescas. Fac, vt in creaturis singulis aliud nihil videam, nihil inueniam, nihil sentiam præter te. Omnia te mihi loquuntur, omnia te mihi prædicens, omnia te mihi laudent, omnia me in amorem tui rapiant & inflammant. Ah Deus meus & omnia, imple cor meum, vt extra te omnibus mortuus sim, & in te solo viuam, Amen.

Si quando nouum, aut mirabile vides aliquid, dico.

Domine Deus noster, creator & gubernator omnium, te laudent & maiestatem tuam prædicens omnes creature, quia ex te omnia sunt & in te omnia tendunt. Tibi ergo sit honor, laus, & gloria ex omnibus creaturis.

O Vt inā digna fiat anima mea, omni momento tuam præsentiam sentire & castissimo perpetuoq[ue] amplexu feruentissimi amoris reuerenter ac inseparabili te constringere, Amen.

Quicquid occurrit, vel non occurrit, in laudem Dei ita conuersus, dicendo.

Quoties hoc mihi occurrit aut non occurrit, ô Deus immense, ô amator fedelissime, toties innumerabiliter & in infinitum sapientis beatorum spirituum agmina, mille millia, & decies millies centena milia te ex me salutent, & Sanctorum omnium feruentia desideria pro me tibi supplicant, & creaturarum omnium decor & venustas meo nomine te honorent & laudent, Amen.

Vulnendo pulchra, cogita hac omnia, & pulchriora esse in celo. Vidende horribilia, cogita haec omnia, & horribilia esse in inferno.

Quando oblectas serenitas aeris, aut quando prata aut hortos contemplaris, dico.

O Lumen indeficiens, omni iucunditate plenum Deus meus, omni decore pulchrior, omniq[ue] amicitate suauior. Heu me miserrimum, quod cor meū varijs, multis, & abs te alienis rebus est occupatum & inquinatum. Omnia te loquuntur, & ego te neque sentio, neque adverto. Domine Deus meus, omnia quæ fecisti in celo & in terra, tua sunt, & bona sunt: sed tu optimum, summum & infinitum bonum es. Propter nos tu omnia fecisti, vt omnipotentiam, sapientiam & bonitatem tuam nobis monstrares.

Ah vnuam omnes creature tuæ & sensibilia cuncta vulnerent cor meum tui

m 4 amore,



amore, ut anima mea ad te indefinenter aspiret. Insinua te cordi meo Deus meus
ut omnes vires, omnes sensus, & intima cuncta animæ meæ in te amore liquefcant,
in te fluant & absorbeantur.

Quā serenus est hic dies. At bone Iesu, nisi tua in nobis lux luceat, quid nobis
de sole hoc sensibili? Fac igitur, ut omnes tenebræ à nobis expellantur, & vrat nos
zestus tuz feruentissimæ charitatis, Amen.

Videndo hortum, flores & arbores, aspiratio.

BOne Iesu, quā multa sunt hic consolationem, instructionem, profectionem, &
admirationem excitantia, omnia à te nobis data: à te (inquam) potentissi-
mo, altissimo, immenso, nobis vermiculis & ingratiss. Fac igitur piissime Ie-
su, ut nihil nos à te abducat, sed omnia nos hinc ad te trahant, Amen.

Videndo amena, aspiratio.

IEsu bone, infinita, sit tibi laus & gratiarum actio, qui tot & tanta creasti &
de-
disti nobis, non solum ad sustentationem sed etiam ad consolationem, pro im-
menia tua ad nos dilectione. Dulcis Iesu, vtinam ad te suspirent, ad te currant,
in te fluant, in te stabulantur, & in te quiescant omnia vota & desideria nostra,
Amen.

Quando vides ignem, aut sensis calorem, aspiratio.

O Domine mi Iesu Christe, ô amor semper ardens & nunquam deficiens, ut-
quequo frigidus maneo? quoque meam tepiditatem toleras? Ah quando
diligam te ex omnibus viribus & medullis animæ meæ? Ah vtinam charita-
tem & bonitatem tuam perfectè cognoscerem. Ah vtinam cor meum amoris tui
ignea sagitta ita transfodiat, ut amoris tui vulnus in me semper renouetur, & in-
dies dilatetur. Vtinam cor meum iugis incendio amoris conflagetur, & cordi tuo
vniatur, ut omnis amor alius peregrinus in me extinguat, Amen.

Quando beneficij aliquid accipis, aspiratio.

B Enignissime Domine Deus meus, gratias ago tibi pro amore tuo erga me in-
gratissimum & vilissimum peccatorem plus quā paterno: vnde hoc & alia
infinita tua beneficia prodeunt. Fac igitur quāso pie Deus, me tibi fidelem, ut
te solum queram, tuum honorem fitiam, cuncta in gloriam tuam referam: mihi
vero nihil nisi peccata mea tribuam, in te solo delecter & requiescam, Amen.

Alia ad idem aspiratio.

D Ucis Iesu, præsta ut in unione huius charitatis qua nos diligis, hoc dono
vtar secundum beneplacitum tuum, & ad gloriam tuam, Amen.

Quando aliquid honoris tibi offertur, aut alio tempore quandcumq; vis, aspiratio.

O Infinita bonitas Domine Deus meus, tibi soli sit honor & gloria, mihi nihil
debetur nisi confusio & despicio. Rogo tamen te piissime Iesu, ne tu me ab-
jeicias, sed facias ut fideliter tibi semper inhæream, ut extra te in nulla recō-
solutionem recipiam. Tu enim es Deus meus, ego vero sum puluisculus terræ, &
prorsus nihil. Nihilominus quia creasti me, amas quod fecisti. Facias igitur ut &
ego amem te, Deus meus, creator meus, ex intimis medullis animæ meæ, Amen.

Quando laudaris, aut quando vana gloria pulsaris, aspiratio.

N On mihi Domine Deus meus, sed nomini tuo sit gloria, & Iesu sempiterna
ab omni creatura, Amen.

Item



Item ad idem aspiratio.

HVnchonorem tibi offero Domine Deus meus in vnione illius honoris, que te colit cœli curia & vniuersus orbis, Amen.

Item ad idem aspiratio.

TE decet laus, te decet hymnus, tibi gloria Deo Patri & Filio cum sancto Spiritu in secula seculorum, Amen.

Ex iuris inter homines, commendate Deo hoc modo, & dico.

AMantissime Iesu, omnes sensus & vires animæ meæ, omnia membra corporis mei, totumq; cor meum commendabo tibi & hæc custodienda, regenda, ac seruanda recondo in vulnus illud gratiosissimum & fidelissimum cordis tui, ut ibi tu ab omni peccato, ab omni delectatione & affectione vitiosa me præserues, & velle & nolle, quiescere & operari meum in te concludas ac perficias, omniumq; actuum & cogitationum mearum sis tu principium, intentio & finis.

Dulcis Iesu, da mihi perfectissima abnegatione meipius, vestigia sacrosanctæ Vitæ tuæ deuotissimè & perfectissimè imitari, & in omnibus beneplacito tuo conformari, Amen.

Cum reuertaris ab occupationibus aut conuersatione hominum ad quietem & silentium cor-dis dico.

OAmator amabilissime, vñica consolatio & requies animæ meæ, nunc omni creaturæ abrenuntio, & ad te dulcissime Iesu me conuerto, tēcū omni desiderabili præligo: suscipe & posside me per gratiam tuam, trahe me in te, & fac ut in auertibilitate inhæream & quiescam in te, Amen.

PHARETRAE DIVINI AMORIS Libri Secundi pars III.

Complectens in se vt Horæ (quas vocant Canonicas) sint à cunctis Ecclesiæ Dei ministris persoluendæ: qua item ratione eædem possint ad D. N. Iesu Christi referri vitam passionemque.

Ante horarum initium Precatio, I.



Peri Domine os meum ad benedicendum nomen sanctum tuum, & mundacor meum à vanis, noxijs & peruerbis cogitationibus, vt exaudiri merear ante conspectum diuinæ Maiestatis tuæ, Amen.

Precatio, II.

Domine Iesu Christe, da mihi gratiam, vt hanc horam deuotè persoluere possim, in vnione illius amoris, quo tu in hoc mundo Patri tuo coelesti laudes diuinæ persoluisti, Amen.

Precatio, III.

N

Omnipo-

